


Awe accionistanan di Goldmill ta dicidi



ORANJESTAD(AAN)-- Awe ta tuma lugar reunion di accionistanan di e proyecto Goldmill, cu lo debilera ariba futuro di e proyecto.

Mientras iniciador di e proyecto a duna di conoce cu e mes a convoca e reunion, infor-

menan for di seno di accionistanan mes ta muestra cu nan kier haya tur informacion posible ya cu nan a hinca hopi placa den e proyecto cu ainda no a keda termina.

Si tabata tin rumor ta circula cu tabata tin accionista cu a

pensa cu si no por termina cu e proyecto nan kier nan placa, mayoria lo ta pensa cu a bira tempo pa finaliza cu e proyecto.

Awe Presidente di e compania lo bay duna cuenta di un que otro encuanto e proyecto.



Gerente di Aeropuerto Internacional "Reina Beatrix" Diaranzon 22 di Juni 1988 a tuma despedida di señor Luis Geerman, debi cu e ta bandona e servicio cu pension. Señor Luis Geerman a fungi como empleado di Aeropuerto pa 22 aña y mei consecutivamente. Presente na e ocasion ariba menciona tabata señor Michael Nicolaas, Director di Aeropuerto, señora Geerman, gerencia y coleganan di trabao.